



Programma veur de carnaval 1966

Wè gève noe 't programma omdèt bieë ei fieëst ei programma heürtj. Dit programma gève wè auch nog opdèt djer 't te gooj oettrein zultj hōje.

Zunjig, maandig en deesdig is inne zaal danse op muziek. Wie altied van ei hieël bekindj orkest. Doa weurtj mèt begostj om half zès. Moandig begintj òm twieë ore de optocht bieë de „Prairi”. (Sjrief dèt noe auch op in eure agenda).

De roette die gevolgdj weurtj is als volgtj. En noe neet wèes zeen en anges òm dreije. Dèt ter nog neet mieë noew stroate bieëzen, kinne wè auch neet helpe. Doa môdjer anger minse mer nut veur aan kieke.

Sebastiaanstroat, Kruuspuntj, Antoniusstroat, Brandjvinstroat, Engerstroat, Hoeëgstroat, Kruuspuntj, Niesstroat, Scheyvenstroat, Kunne koel en de Seringestroat as ze verhaardj zeen. Luytenstroat, Sebastiaanstroat.

De volgorde vanne optocht as volgtj:

1. Ruiterklub
2. Engerstroat
3. Hoeëgstroat
4. Sebastiaanstroat
5. Ellerhei, Brandjvin- en Antoniusstroat
6. Fomfaar „Ellona”
7. Prinsewage

Losse groepe wère verzôchtj bieë de wages van heur eige buurt te blieve en estebleef bieë den troep blieve tot det de optocht is aafgelaue. De pelisie zal ei eugske in het zeil hōje.



PRINS CORI (1966)

Moeërebuuk en Moeërinnekes,

De carnaval steit weer veur de deur. As Prins hōb ich de zekerheid det dit veur uch weer daag wère om noeëts te vergète, as ich dan mer op eur aller mètwerking maag rekene. Dan wil ich noe doon waat ich eigelik oppe ieste plaats haaj mōtte doon, namelijk, de Vorst en de road van elf bedanke veur ut vertrouwe det ze in mich gesteldj hōbbe door mich as Prins te keze veur 1966, en drie daag te moge regere euver oos moeërelandj.

Verder dank ich bieë veurbaat de prinsekapel die aug dit joar weer bereidj is òm de karnaval loester bieë te zètte.

Aug dit joar zal weer eine optocht door oos dōrp trèkke, en ich hoop same mèt de vorst en de road van elf detter weer maag zeen as veurgoande joaren. Al die minse die aan den optocht mèt wirke of der aan bieë drage miene gemeindje dank.

Mèt trots kinne wè zègge det de optocht in oos dōrp de kroen spintj euver al die anger dōrpe inne gemeindje al joare achter ein.

Moeërebuuk, hōje zoeë !

Mèr auch inne zaal hope wè detter weer stumming in zal zitte, zoeë auch inne cafées en oppe stroat.

Doarom doon ich speciaal ei beroop oppe ôjer generasie, om der mèt die daag ins oet te komme en good mèt te doon. Sjaamt uch veur nemes.

Auch de jeugd wil ich verzeuke òm as noeët te veure mèt te doon, zoedet ooze karnaval zal wère òm noeëts te vergète.

Moeërebuuk alaaf !

ELL STEIT WEER PARAAT !

Aafsjeidweurdje van Prins Lewie I

Als sjeiende prins 1965 wil ich toch nog waat zègge, veur ich de sleutel aan miene opvolger gèef.

Oppe ierste plaats dank ich uch allemaol veur de mètwerking, auch namens de road van elf enne vorst.

Oppe twieëde plaats wil ich uch aanspore om auch de noewe prins mèt veul entusiasme te begroete, en det neet allein, mer hum auch mèt daden bieë te stoan, dan zal de karnaval enne optocht weer zeen zoeë wie wè hum altied gewindj zeen.

Ei bitje greüts moge wè waal zègge det het veurig joar in Ell tiejes de vasteloavendj weer good toeve waas. De optocht waas van die gehaltje dèt wè allemaol kinne zègge:


„De Moeërebuuk die kinne der get van”. Moeërebuuk stèltj miene opvolger en uch zelf neet teleur. Begintj vandaag nog !

Moeërebuuk alaaf,

PRINS LEWIE I (1965)




KENNERS




VRAGEN

1



SCHENKEN

2



DRINKEN

3

MAES



't Ging neet door

Bert woëij eine wage kaupe en vroeg waater mosdije koste. „Twieë hongerd gulje”, zag dè gérazjehōoier. „Dèt is neet veul”, zag Bert, „mer dan zal der auch waal neet hell laupe !”. „As det ze hieë òm half zeve wèg riedst, konse om zeve ore in Inthove zeen”, zag de gérazjehōoier. „Wazus mins”, zag Bert, „doe mōt ich ins met oos Merie euver kalle, ich bin drek trök”. „Het geit neet door”, zag Bert wie der trök kwaam, „oos Merie zag zoeë: waat mōst tich om zeve ore in Inthove”.